

اتوار 24 اگست، 2025

مضمون۔ سیان

سنہری متن: ایوب 28 باب 12، 28 آیات

”پر سیان کتھوں ملے گی؟ تے خرد دی تھاں کتھے اے؟ تے اوہنے انسان نوں آکھیا ویکھ خداوند دا ڈرای سیان اے تے بدی توں دور رہنا خرد اے۔“

جوابی پڑھائی: امثال 3 باب 5 توں 8، 11، 12 آیات

5۔ سارے دل نال رب اُتے بھروسہ رکھ تے اپنی سیان اُتے ای نہ رہ۔

6۔ اپنیاں ساریاں رہواں وچ اوہنوں پچھان تے اوہ تیری راہنمائی کرے گا۔

7۔ تو اپنی ہی نظروں سیان نہ بن۔ رب توں ڈرتے بدی توں دور رہ۔

8۔ ایہہ تیری ناف دی صحت تے تیری ہڈیاں دی تازگی ہووے گی۔

11۔ اے میرے پتر! خداوند دی تنبیہ نوں حقیر نہ جان تے اوہدی ملامت توں آگ نال۔

12۔ کیوں جے خداوند اوہنوں ای ملامت کر دا اے جیدے نال اوہنوں پیار اے۔ جیویں پیو اوس پتر نوں جیدے توں خوش اے۔

درسی وعظ

بائبل وچوں

1- استثناء 6 باب 4، 5 آیت

4- سن اے اسرائیل! خداوند ساڈا رب اک ای رب اے۔

5- تو اپنے سارے دل تے اپنی ساری جند تے اپنی ساری طاقت نال خداوند اپنے رب نال پیار کر۔

2- یعقوب 4 باب 6 (رب) توں 8، 10 آیتاں

6- رب مغروراں داماقلہ کردا اے پر فروتنیاں نوں توفیق دیندا اے۔

7- تے رب دے تابع ہو جاؤ تے شیطان داماقلہ کرو تے اوہ تہاڈے کولوں نس جاوے گا۔

8- رب دے کول جاؤ تے اوہ تہاڈے کول آوے گا۔ اے پاپیو! اپنے ہتھیاں نوں صاف کرو تے اے دودلو! اپنے دلاں نوں پاک کرو۔

10- خداوند دے سامنے فروتنی کرو۔ اوہ تہانوں اچا کرے گا۔

3۔ دانی ایل 4 باب 4، 5 (توں پہلی)، 7، 8 (توں پہلی)، 8 (تے پہلاں) (توں پہلی)، 19 (توں پہلی)، 19 (جواب دتا) (توں پہلی)، 20 (توں پہلی)، 22، 23 (توں پہلی)، 24، 27، 29، 31، 33 (توں تہی)، 34، 36 (توں پہلی)، 36 (تے میں)، 37 آیتاں

4۔ میں نبوکد نصر اپنے گھر وچ مطمئن تے اپنے محل وچ کامیاب واں۔

5۔ میں اک سُفناں ویکھیا جیدے توں میں ڈر گیا۔

7۔ ایس لئی ساحر تے نجومی تے کسدی تے فال گیر حاضر ہوئے تے میں اوہناں نوں اپنا سُفناں دسیا پر اوہناں نے مینوں اوہدی تعبیر نہ دسی۔

8۔ اخیریں دانی ایل میرے کول آیا۔۔۔ میں اوہدے سامنے اپنا سُفناں دسیا۔

19۔ تد دانی ایل نے۔۔۔ جواب دتا تے آکھیا۔

20۔ اوہ رُکھ جیہڑا توں ویکھیا۔۔۔

22۔ اے بادشاہ اوہ توں ایس جیہڑا ودھیا تے مضبوط ہو گیا کیوں جے تیری بزرگی ودھی تے اسمان تیکر اپڑی تے تیری سلطنت دھرتی دی انتہا تیکر اپڑی۔

23۔ تے جد بادشاہ نے ویکھیا پئی اک نگہبان ہاں اک قدوسی اسمان توں اُتریا تے آکھن لگیا پئی رُکھ نوں وڈھ دیووتے اوہنوں برباد کرو۔

24۔ اے بادشاہ ایس دی تعبیر تے حق تعالیٰ دا اوہ حکم جیہڑا بادشاہ میرے خداوند دے بارے ہو یا اے ایہہ ای اے۔

25۔ پئی تینوں بندیاں وچوں کڈھ کے ہانک دین گے تے توں میدان دے جانوراں دے نال رہوئیں گاتے توں ٹکھے وانگر کاہ کھانویں گاتے اسمان دی تریل نال تر ہو نوئیں گاتے تیرے اُتے ست دور لنگ جان گے۔ تد تینوں پتا چلے گا پئی حق تعالیٰ انسان دی مملکت اُتے حکمرانی کردا اے تے جنہوں چاہندا اے دیندا اے۔

26- تے ایہہ جیہڑا اوہناں نے حکم کیتا پئی رکھ دیاں جڑاں دے سرے نوں باقی رہن دیو وایہہدا مطلب اے پئی جد تینوں پتا چل جاوے گا پئی بادشاہی دا اقتدار اسمان ولوں اے تے توں اپنی سلطنت اُتے فیر قائم ہو جانویں گا۔

27- ایس لئی اے بادشاہ تیرے سامنے میری صلاح منی جاوے تے توں اپنیاں خطاناں نوں سچیاں نال تے اپنی بد کرداری نوں غریباں اُتے رحم کرن نال دور کر۔ ہو سکدا اے پئی ایہدے نال تیرا سکون ودھ جاوے۔

29- اک سال بعد اوہ بابل دے شاہی محل وچ ٹہل رہی اسی۔

30- بادشاہ نے آکھیا پئی ایہہ بابل اعظم نسین جنہوں میں اپنی طاقت دی قدرت نال بنایا اے پئی دارالسلطنت تے میرے جاہ و جلال دا نمونہ ہووے؟

31- بادشاہ ایہہ آکھ ای رہی اسی پئی اسمان توں آواز آئی اے نبوکد نصر بادشاہ تیرے بارے وچ ایہہ فتویٰ اے پئی سلطنت تیتھوں جاندی رہی۔

33- اوہ ویلے نبوکد نصر بادشاہ اُتے ایہہ گل پوری ہوئی تے اوہ بندیاں وچوں کڈھ دتا گیا تے اوہ مجاں وانگر گاہ کھاندا رہیا تے اوہ ابدن اسمان دی تریل نال تر ہو گیا تھتے تیکر پئی اوہدے وال عقاب دے پراں وانگر تے اوہدے نوں پرندیاں دے چنگل وانگر ودھ گئے۔

34- تے ایہناں دیہاڑیاں دے لنگن توں بعد میں نبوکد نصر نے اسمان ول اکھیاں چکیاں تے میری سیان میرے وچ فیر آئی تے میں حق تعالیٰ دا شکر کیتا تے اوس جی القیوم دی وڈیائی کیتی جیدی سلطنت ہمیشہ دی تے جیدی مملکت پیڑی توں پیڑی تیکر اے۔

35- تے دھرتی دے سارے رہن والے ناچیز سمجھے جاندے نیں تے اوہ اسمانی لشکر تے اہل زمین دے نال جو کجھ چاہندا اے کردا اے تے کوئی نسین جیہڑا اوہد اہتھ روک سکے یا اوہنوں آکھے پئی توں کیہ کردا ایں؟

36- اوہ ویلے میری سیان میرے وچ آئی تے میری سلطنت دی شوکت لئی میرا رب تے دبدبہ فیر بحال ہو گیا تے میرے مشیراں تے امیراں نے مینوں فیر لبھیا تے میں اپنی مملکت وچ قائم ہو گیا تے میری عظمت وچ وادھا ہو گیا۔

بائبل والا یہ سبق پلین فیلڈ کرکٹن جرج، آزاد اولوں تیار ہو یا اسے۔ ایسہ لنگ جیسے بائبل دیاں آتیاں تے میری بیکراؤڈ دی کمی لکھی ہوئی کرکٹن سائنس دی درسی کتاب، ”سائنس تے صحت آتیاں دی گنجی دے نال“، وچوں لکھیاں ہوںیاں لازمی تحریر نال بنیا ہے۔

6۔ 2 تمیتھیس 1 باب 7 آیت

7۔ کیوں جے رب نے ساہنوں دہشت دی روح نیں بلکہ قدرت تے تربیت دی روح دتی اے۔

7۔ رومیوں 12 باب 2 آیت

2۔ تے ایس جہان دے ہم شکل نہ بنو بلکہ سیان نویں ہو جان نال اپنی صورت بدل دے جاؤ تاں جو رب دی نیک تے پسندیدہ تے کامل مرضی تجربے نال پتا کر دے جاؤ۔

سائنس تے صحت

1۔ 11-10:468

کیوں جے رب سب داحاکم اے ایس لئی سب کچھ لا متناہی سیان تے اوہدالا متناہی اظہار اے۔

2۔ 6:496 (وچ)۔ 8

۔۔۔ کر سچن سائنس وچ پہلا فرض رب دی فرمانبرداری کرنا، اک سیان رکھنا تے دوجیاں دے نال اپنے وانگر پیار رکھنا اے۔

3- 19:256 (کون)-23

اوہ کون اے جیہڑا ساڈی تابعداری دی مانگ کردا اے؟ اوہ جیہڑا، کلام دی بولی وچ، ”اسمانی فوج تے دھرتی اُتے رہن والیاں دے نال جو کجھ چاہندا اے کردا اے تے کوئی نئیں اے جیہڑا اوہدا تھہر روک سکے یا اوہنوں بچھے پئی توں کیہ کردا ایں؟“

4- 25-21:183

الہی سیان جائز طور تے انسان دی پوری فرمانبرداری، پیار تے طاقت دی مانگ کردی اے۔ ایہدے توں گھٹ وفاداری لئی کوئی تحفظ نئیں رکھے جاندے۔ سچیاں دی تابعداری انسان نوں طاقت تے قوت عطا کردی اے۔ غلطی نوں حوالگی طاقت دا گھٹا پٹین نوں ودھا دیندی اے۔

5- 32-25:372

”جیہڑا کوئی بندیاں دے سامنے میرا انکار کرے گا میں وی اپنے پیو دے سامنے جیہڑا اسمان اُتے اے اوہدا انکار کراں گا۔“ کر سچن سائنس وچ، سچیاں توں انکار جان لیوا اے، جدوں پئی سچیاں دا اک عادل اعتراف تے جو کجھ اوس

سیچائی نے ساڈے لئی کیتا اے اک موثر مدد اے۔ جے غرور، توہم پرستی یا کوئی وی غلطی حاصل ہوون والے فائدیاں دی ایماندار پچھان نوں روکدے نیں تے ایہہ بیمار دی شفایابی تے طالب علم دی کامیابی وچ اک رکاوٹ ہووے گی۔

6- 32-23:239

بشری سیان انسانی مقصداں دی منی ہوئی نشست اے۔ ایہہ مادی نظریاں نوں بناؤندی اے تے بدن دے ہر بے آہنگ عمل نوں پیدا کردی اے۔ جے کوئی عمل الہی سیان توں پیدا ہندا اے تے اوہ عمل ہم آہنگ ہووے گا۔ جے ایہہ غلطی کرن والی بشری سیان توں آؤندا اے تے ایہہ بے آہنگ ہندا اے تے ایہہ دی اخیر پاپ، بیماری تے موت ہندی اے۔ ایہہ دو مخالف ذریعے کدی چشمے یاندی وچ اکٹھے نہیں ہندے۔ کامل سیان کاملیت پیدا کردی اے، کیوں جے رب سیان اے۔ غیر کامل فانی سیان اپنیاں مشابہتاں پیدا کردی اے، جیدے بارے سیانے انسان نے آکھیا، ”سب باطل اے۔“

7- 14-4:414

پاگل پن دا علاج خاص طور تے بوہت دلچسپ اے۔ فیرومی معاملے وچ رکاوٹ پاوندیاں ہوئیاں، ایہہ دوجی بیماریاں دی نسبت بوہتا آسانی نال سیچائی دے صحت بخش کماں لئی راضی ہو جاؤندا اے، جیہڑا غلطی دی جوابی کاروائی ہندا اے۔ پاگل پن دا علاج کرن لئی جنہاں دلیلاں نوں ورتیا جاندا اے ایہہ اوہ ای نیں جیہڑیاں دوجیاں بیماریاں لئی ورتیاں جاندیاں نیں، یعنی اوہ انہونی جنہوں ماداء ذہن قابو کر سکدا اے یا جیہڑا سیان نوں بے ترتیب کر سکدا اے، ایہہ دکھ سہ سکدایا دیکھاں دی وجہ بن سکدا اے؛ ایہہ دے نال نال ایہہ حقیقت پئی سیچائی تے محبت اک صحت مند حالت قائم کردی اے، فانی سیان یا مریض دے خیالاں دی راہنمائی کردی تے اوہ دے اُتے حکمرانی کردی اے، تے ساریاں غلطیاں نوں برباد کردی اے، بھانویں ایہنوں ڈیمنشیاء، نفرت یا کوئی وی دوجا مسئلہ آکھیا جاسکدا اے۔

8- 3:6 (الئی)۔ 16

الئی محبت انسان دی اصلاح کردی تے اوہدے اُتے حکمرانی کردی اے۔ انسان معافی منگ سکدے نیں پر صرف الئی اصول ای پاپی دی اصلاح کردا اے۔ رب اوس حکمت توں وکھنئیں جیہڑی اوہ عطا کردا اے۔ جیہڑیاں صلاحیتاں اوہ ساہنوں دیندا اے ساہنوں اوہناں نوں ودھانا چاہیدا اے۔ ساڈے غلط کماں یا ادھے کماں لئی معافی پاؤن واسطے اوہنوں پکارنا ایس بیکار مفروضے ول اشارہ کردا اے پئی اسی معافی منگن توں علاوہ کجھ نئیں کرنا تے ایہدے بعد اسی ایس جرم نوں دہران لئی آزاد ہو جاواں گے۔

پاپ دے پاروں تکلیفاں دا وسیلہ بننا، پاپ نوں تباہ کرن دے راہیں اے۔ پاپ وچ ملن والی ہر فرضی تسکین ایہدی سانویں پیڑ توں بوہتی آراستہ ہووے گی، جدوں تیکر پئی مادی حیاتی تے پاپ اُتے یقین نوں تباہ نئیں کردتا جاندا۔ آسمان یعنی ہستی دی ہمہنگی اُتے آپڑن لئی ساہنوں الئی اصول دی ہستی نوں سمجھنا پوے گا۔

9- 22:20-22

پیار ساہنوں آزمائش وچوں کڈھن لئی جلد باز نئیں اے، کیوں جے پیار دا مطلب اے پئی تہانوں آزمایا تے پاک کیتا جاوے گا۔

10- 32-24:240

یاد رکھو پئی انسان چھیتی یادیر بعدوں، بھانویں دکھاں دے راہیں یا سائنس دے راہیں، غلطی اتے مائل ہو جان گے پئی ایہنے ہارنا اے۔

فہم دیاں غلطیاں نوں کا لعدم کرن دی کوشش وچ کسے وی بندے نوں پورے تے انصاف دے طور تے بوہت انمول قیمت بھرنی پو وے گی جد تیکر پئی ساری غلطی پورے طور تے سچائی دے میٹھاں نئیں کردتی جاندی۔ پاپ دی مزدوری دین دے الہی طریقہ کار وچ کسے بندے دیاں گتھیاں نوں سلجھانا تے ایس تجربے نال ایہہ سکھنا شامل اے پئی فہم تے جند نوں کیویں دکھو دکھ کرنا چاہیدا اے۔

11- 22-11:239

بدکار بندہ اپنے نیک گوانڈی اُتے حاکم نئیں اے۔ ایہہ گل سمجھی جانی چاہیدی اے پئی غلطی دی کامیابی سچائی دی ہار اے۔ کر سچن سائنس دا اصولی قول کلام وچوں اے: ”شریر اپنی راہ نوں چھڈے تے بد کردار اپنے خیالاں نوں۔“

ساڈی ترقی دا تعین کرن لئی، ساہنوں ایہہ سکھنا چاہیدا اے پئی ساڈیاں ہمدردیاں کتھے نیں تے اسی رب دے طور تے کینہوں من دے تے اوہدی تابعداری کردے آں۔ جے رب دی محبت ساڈے ہور نیڑے، ہور پیاری تے اصلی ہندی جاندی اے، تے مادار وچ دے حوالے ہور ہیا اے۔ تے جیہڑے مقصد اں دا اسی پچھا کردے آں تے جیہڑی روح نوں اسی ظاہر کردے آں اوہ ساڈے نقطہ نظر نوں پیش کردی اے تے دکھاؤندی اے پئی اسی کیہ فتح کر رہے آں۔

12- 28-20:505

روحانی حس روحانی نیکی داشعور اے۔ فہم اصلی تے غیر اصلی دے وچکار حد بندی دی لکیر اے۔ روحانی فہم سیان، یعنی حیاتی، سچائی تے محبت نوں کھولدا اے تے الہی حس نوں کر سچن سائنس وچ سنسار دار روحانی ثبوت دیندیاں ہوئے، ظاہر کردا اے۔

ایہہ فہم شعوری نہیں اے، محققانہ حاصلاتاں دا نتیجہ نہیں اے؛ ایہہ چائن وچ لیاندیاں ہوئے ساریاں شیواں دی اصلیت اے۔

13- 7-5:506

سمجھ رب دی اک خصلت اے، اجیہی خصلت جیہڑی کر سچن سائنس نوں ایک مفروضے توں وکھ کر دی تے سچائی نوں حتمی قرار دیندی اے۔

14- 16-11:470 (توں دو جی)

الہی سائنس بیٹھاں دتی ہوئی آپ سامنے آؤن والی صلاح دے راہیں ایس خیالی بیان نوں واضح کر دی اے پئی سیان اک اے: جے رب یا نیکی اصلی اے تے بریائی، یعنی رب دی غیر مشابہت وی نقلی اے۔ تے بریائی صرف نقلی نوں اصلی داروپ دین نال ای اصلی وکھالی دے سکدی اے۔ رب دے فرزند اں دے کول اک سیان دے علاوہ کجھ وی نہیں۔

15- 5-30:469

اک پیو، ایہتھے تیکر پئی رب دے نال انسان دا پورا خانوادہ بھرا ہون گے تے اک سیان تے رب یا چنگیائی دے نال
انسان دی بھرا بندی پیار تے سچیا کی نال تے اصول تے روحانی طاقت نال بن دی اے جیہڑے الہی سائنس نوں قائم
کردے نیں۔

16- 5-32:470

سائنس وچ رب تے انسان، الہی اصول تے خیال دے تعلقات لازوال نیں؛ تے سائنس بھل چک جان دی اے نہ
ہم آہنگی ول پرت کے آؤنا، پر ایہہ الہی ترتیب یا روحانی قانون رکھ دی اے جیدے وچ رب تے جو کجھ اوہ بناؤندا اے
کامل تے ابدی نیں، جیہڑے اوہدی پوری تاریخ وچ نہ بدلن والے رہے نیں۔

روزانہ دے فرض

میری بیکرا ایڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچیا کی، حیاتی تے پیار دی
سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے،
تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کر دیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکن اں نوں سارے پاپاں توں، غلط طراں دیاں پیشن گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔